

CONVENIO DE COLABORACIÓN ENTRE A CONSELLERÍA DE SANIDADE, O SERVIZO GALEGO DE SAÚDE, A AXENCIA GALEGA DE SANGUE, ÓRGANOS E TECIDOS (ADOS), A AXENCIA GALEGA PARA A XESTIÓN DO COÑECEMENTO EN SAÚDE (ACIS), A FUNDACIÓN PÚBLICA DE URXENCIAS SANITARIAS DE GALICIA 061, A FUNDACIÓN PÚBLICA INSTITUTO GALEGO DE OFTALMOLOXÍA (INGO) E "GALARIA, EMPRESA PÚBLICA DE SERVIZOS SANITARIOS, S.A.", PARA A CONTRATACIÓN DO SERVIZO DE TELECOMUNICACIÓNS, INTERNET, MANTEMENTO DO EQUIPAMENTO DE COMUNICACIÓNS E XESTIÓN DA REDE.

REUNIDOS

Dunha parte, Antonio Gómez Caamaño, conselleiro de Sanidade e presidente do Servizo Galego de Saúde, en virtude de nomeamento aprobado polo Decreto 44/2024, de 14 de abril, polo que se nomean os titulares das consellerías da Xunta de Galicia, no uso das facultades atribuídas no artigo 34 da Lei 1/1983, do 22 de febreiro, de normas reguladoras da Xunta e da súa Presidencia, de conformidade cos Decretos 144/2024 e 145/2024, do 20 de maio, polos que se establecen as estruturas orgánicas da Consellería de Sanidade e do Servizo Galego de Saúde, respectivamente; así como co establecido na Lei 1/2016, do 18 de xaneiro, de transparencia e bo goberno; e na Lei 40/2015, do 1 de outubro, de réxime xurídico do sector público.

Doutra parte, María Luisa López García, directora da Axencia galega de Sangue, Órganos e Tecidos (ADOS), no exercicio das actuacións que ten atribuídas no artigo 15 do Decreto 142/2015, de 17 de setembro, polo que se crea a Axencia e se aproban os seus estatutos.

Doutra parte, Antonio Fernández-Campa García-Bernardo, xerente da Axencia Galega para a Xestión do Coñecemento en Saúde (ACIS), no exercicio das funcións que ten atribuídas no artigo 15 do Decreto 112/2015, do 31 de xullo, polo que se crea a Axencia e se aproban os seus estatutos.

Doutra parte, Román Gómez Vázquez, director da Fundación Pública Urxencias Sanitarias de Galicia-061, no exercicio das funcións que ten atribuídas no artigo 16 dos estatutos da fundación, aprobados por Decreto 276/2001, do 27 de setembro, de adaptación das fundacións sanitarias á disposición adicional sétima da Lei 5/2000, do 28 de decembro, de medidas fiscais e de réxime orzamentario e administrativo.

Doutra parte, Elío Díez-Feijoo Arias, director técnico especialista en oftalmoloxía da Fundación Pública Instituto Galego de Oftalmoloxía (INGO), no exercicio das funcións que ten atribuídas no artigo 15 dos estatutos da fundación, aprobados por Decreto 276/2021, do 27 de setembro, de adaptación das fundacións sanitarias á disposición adicional sétima da Lei 5/2000, do 28 de decembro, de medidas fiscais e de réxime orzamentario e administrativo.

E doutra parte, Rocío Mosquera Álvarez, directora xerente de Galaria, Empresa Pública de Servizos Sanitarios, S.A., no exercicio das funcións que ten atribuídas no artigo 31 dos novos estatutos da sociedade, aprobados pola Xunta Xeral de Accionistas o 8 de outubro de 2019 tralo acordo do Consello da Xunta de Galicia do día 29 de maio de 2019 e publicados mediante Resolución de 22 de outubro de 2019 da Secretaría Xeral Técnica e do Patrimonio da Consellería de Facenda.

As partes recoñécense capacidade e representación suficientes para formalizar o presente convenio de colaboración, e na súa virtude

EXPOÑEN

I.- A Consellería de Sanidade é o órgano da Administración autonómica responsable da superior dirección e control do desenvolvemento das funcións e competencias que, en materia de sanidade, lle corresponden á Xunta de Galicia de acordo co establecido nos artigos 27.23º, 28.8º e 33 do Estatuto de Autonomía de Galicia, aprobado por Lei orgánica 1/1981, de 6 de abril. De conformidade co artigo 31 da Lei 8/2008, do 10 de xullo, de saúde de Galicia, correspóndelle á Consellería de Sanidade a dirección do Sistema Público de Saúde de Galicia, que ten entre os seus principios reitores a cooperación intersectorial, a integración funcional dos recursos apostando por fórmulas colaborativas, a calidade dos servizos e a mellora continua, así como a eficacia, efectividade e eficiencia na xestión do sistema e a procura da suficiencia de recursos. Segundo o artigo 1 do Decreto 144/2024, do 20 de maio, polo que se establece a estrutura orgánica da Consellería de Sanidade, esta é o órgano da Administración autonómica responsable da superior dirección e control da execución da política da Xunta de Galicia en materia de saúde, planificación e asistencia sanitaria e farmacéutica, así como o exercicio das competencias da Xunta de Galicia para asegurar á cidadanía o dereito á protección da saúde.

II.- O Servizo Galego de Saúde, organismo autónomo creado por Lei 1/1989 e adscrito á Consellería de Sanidade, ten atribuídas as competencias precisas para o desenvolvemento de tódalas áreas que configuran o concepto integral de saúde, xestionando a sanidade en tódalas súas facetas, de conformidade co previsto no Título VI da Lei 8/2008, do 10 de xullo, de saúde de Galicia.

Así, o artigo 1 do Decreto 145/2024, do 20 de maio, polo que se establece a estrutura orgánica do Servizo Galego de Saúde, prevé que para o adecuado desenvolvemento das competencias que no eido sanitario corresponden á Comunidade Autónoma de Galicia, configúrase o Servizo Galego de Saúde como un organismo autónomo de natureza administrativa, dotado de personalidade xurídica propia e plena capacidade para o cumprimento dos seus fins, adscrito á Consellería competente en materia de Sanidade.

III.- A Axencia Galega de Sangue, Órganos e Tecidos (ADOS) creouse por Decreto 142/2015, do 17 de setembro, como unha axencia pública autonómica que se encadra dentro das entidades públicas instrumentais reguladas no título III da Lei 16/2010, de 17 de decembro, de organización e funcionamento da Administración xeral e dos sector público autonómico de Galicia.

A Axencia está adscrita á Consellería de Sanidade a través da Dirección Xeral con competencias en materia de asistencia sanitaria do Servizo Galego de Saúde.

Esta entidade ten como fin actuar como instrumento de xestión eficiente para asegurar a doazón voluntaria de sangue, o procesamento, fraccionamento, almacenaxe e o abastecemento de compoñentes sanguíneos e hemoderivados, a coordinación de transplantes de órganos e a obtención, procesamento, almacenaxe, distribución e implante de células e tecidos, aplicando criterios de calidade vixentes como polas guías científicas, e asegurando que se cumpren todos os aspectos éticos inherentes á doazón e ao uso de substancias de orixe humana procedentes da mesma.

A Axencia é a entidade pública instrumental medio propio e servizo técnico da Administración Xeral da Comunidade Autónoma de Galicia e dos poderes adxudicadores dependentes dela, responsable na Comunidade Autónoma de Galicia da excelente aplicación da normativa e



apolíticas públicas de hemoterapia, transplantes e tecidos da Unión Europea e do Goberno de España baixo os principios reitores do altruismo, voluntariedade e solidariedade.

IV.- A Axencia Galega para a Xestión do Coñecemento en Saúde (ACIS) creouse por Decreto 112/2015, do 31 de xullo, como Axencia pública autonómica que se encadra dentro das entidades públicas instrumentais reguladas no título III da Lei 16/2010, de 17 de decembro, de organización e funcionamento da Administración xeral e dos sector público autonómico de Galicia.

Aos efectos previstos na normativa de contratación pública, a Axencia ten a condición de medio propio e servizo técnico da Administración xeral da Comunidade Autónoma de Galicia e dos poderes adxudicadores dela dependentes.

A Axencia ten como fins xerais e obxectivos básicos, actuar, en réxime de descentralización funcional como un instrumento de xestión da formación no Sistema público de Saúde de Galicia, así como o fomento e a coordinación e o impulso da actividade innovadora da Consellería de Sanidade e do seu organismo autónomo, e a avaliación de tecnoloxías e servizos sanitarios, así como a formación continuada dos profesionais das institucións sanitarias.

Tamén ten a condición de organismo público de investigación a efectos da Lei 14/2011 de 1 de xuño, da ciencia, a tecnoloxía e a innovación, na Lei 6/2013, de 30 de maio, de fomento da investigación e da innovación de Galicia.

En atención aos seus obxectivos, de acordo coa súa finalidade e funcións, e de conformidade co disposto na Lei 14/2013, de 26 de decembro, de racionalización do sector público autonómico, e na Lei 8/2008, de saúde de Galicia, a Axencia terá a condición de axente do Sistema galego de investigación e innovación con funcións de execución, coordinación e financiamento, nos termos e cos efectos establecidos na Lei 5/2013, do 30 de maio, de fomento da investigación e da innovación de Galicia.

V.- A Fundación Pública Urgencias Sanitarias de Galicia 061, de conformidade co Decreto 276/2001, do 27 de setembro, polo que se aproban os seus estatutos, é unha fundación pública sen ánimo de lucro, con personalidade xurídica propia, de ámbito autonómico, que ten por obxecto a realización de actividades de xestión, coordinación, consultoría, docencia e investigación prioritariamente en materia de atención extrahospitalaria en caso de emerxencia e urgencia sanitaria, así como no campo dos coidados críticos e na atención sociosanitaria, promovendo a eficacia, eficiencia e seguridade do sistema sanitario. Tamén xestiona a Central de Coordinación de Urgencias Médicas, regulada na Orde do 9 de outubro de 1995.

Entre os fins da fundación, comprende destacar a xestión e coordinación das demandas de asistencia sanitaria en casos de emerxencia ou urgencia, a xestión e coordinación da atención e transporte sanitario urgente, do transporte interhospitalario, de transportes de órgano, da información e asesoramento médico telefónico ou da formación e investigación en materia de coordinación e asistencia sanitaria urgente, entre outros.

VI.- A Fundación Pública Instituto Galego de Oftalmoloxía (INGO) de conformidade co Decreto 276/2001, do 27 de setembro, de adaptación das fundacións sanitarias á disposición adicional sétima da Lei 5/2000, do 28 de decembro, de medidas fiscais e de réxime orzamentario e administrativo é unha fundación pública de competencia autonómica sen ánimo de lucro, con personalidade xurídica de seu, de ámbito autonómico, que ten por obxecto a prestación de servizos especializados de consultoría, planificación, avaliación e prestación de servizos



oftalmolóxicos de alta complexidade, a docencia e a investigación.

VII.- Galaria, Empresa Pública de Servizos Sanitarios S.A., é unha empresa pública autonómica creada por Decreto 229/1994, do 14 de xullo, baixo a denominación de "Instituto Galego de Medicina Técnica S.A.".

Por Decreto 209/2008, do 28 de agosto, procedeuse á modificación da denominación e obxecto sociais, pasando a denominarse "Galaria, Empresa Pública de Servizos Sanitarios S.A.", configurándoo como medio propio instrumental e servizo técnico da Administración da Comunidade Autónoma de Galicia e dos seus organismos e entidades de natureza pública, para a execución das actividades que por elas lle sexan encomendadas, dentro das materias que constitúen o seu obxecto social, estando obrigadas a realízalas de acordo coas instrucións fixadas unilateralmente polo encomendante.

A entidade instrumental ten por obxecto o desenvolvemento, execución e explotación de infraestruturas sanitarias, a prestación de servizos de consultoría no eido sanitario, así como a prestación de servizos relacionados co ámbito sanitario.

En particular, constituirán parte do obxecto social as seguintes actividades: a promoción, planificación, deseño, construción, conservación, mantemento, dotación de equipamento e explotación, por si mesma ou mediante terceiros, de toda clase de infraestruturas sanitarias que sexan promovidas pola Comunidade Autónoma de Galicia ou en que esta participe, vinculadas ao ámbito sanitario; e a prestación de actividades de consultoría en materia de avaliación, planificación, promoción, adquisición, organización, mantemento, formación, xestión, investigación, control de calidade e, en xeral, calquera materia relacionada co sector sanitario, especialmente no eido da alta tecnoloxía sanitaria.

VIII.- A Constitución recolle no artigo 103 que a Administración debe actuar de acordo, entre outros, cos principios de eficacia e coordinación. Nesa liña, o actual escenario económico, ao que non son alleas as Administracións públicas, obriga a impulsar medidas relativas á xestión eficaz e eficiente dos recursos dispoñibles, co obxecto de prestar os servizos aos cidadáns en condicións de calidade e minimizar custos, xestionándoos de forma mais eficiente.

Neste senso, é preciso optimizar os recursos económicos das administracións públicas mediante formulas innovadoras que permitan a xestión compartida na prestación dos servizos públicos, e que, neste caso, se concretan no presente convenio.

Doutra banda, a lei 14/2013, de 26 de decembro, de racionalización do sector público autonómico, sinala non seu artigo 15.1, baixo ou epígrafe "acordos de colaboración ou cooperación para o financiamento conxunto de contratos para a satisfacción dunha finalidade común" que os órganos de contratación da Administración xeral da Comunidade Autónoma e das entidades do sector público autonómico poderán chegar a acordos para o financiamento conxunto de contratos para a satisfacción dunha finalidade común. Segundo o apartado 3 deste artigo "cando o financiamento conxunto se realice entre órganos da Administración xeral da Comunidade Autónoma e das entidades do sector público ou entre estas entre si, se formalizará un convenio de colaboración entre elas co mesmo contido expresado no apartado anterior".

No mesmo sentido se expresa o artigo 323.5 da Lei 9/2017, do 8 de novembro, de contratos do sector público por canto prevé que cando o contrato resulte de interese para varias entidades ou departamentos ministeriais e a tramitación do expediente deba efectuarse por un único



órgano de contratación, as demais entidades ou departamentos interesados poderán contribuír ao seu financiamento, nos termos que se establezan regulamentariamente e con respecto á normativa presupostaria, na forma que se determine en convenios ou protocolos de actuación.

IX.- Os servizos da rede de telecomunicacións, a internet, o mantemento de equipamentos de comunicacións, así como o servizo de xestión, administración e monitorización da mesma, teñen unha enorme importancia, non só na actividade diaria das institucións intervinientes, senón tamén para manter os actuais servizos de telecomunicacións co nivel de dispoñibilidade e criticidade axeitado, así como para a evolución da demanda de novos servizos e integración na rede de novos centros e a ampliación das redes existentes.

Por tal motivo, as partes intervinientes están interesadas en levar a cabo, a través do Servizo Galego de Saúde, a posterior licitación e contratación de ditos servizos e, para tal efecto suscriben o seguinte convenio que se rexerá polas seguintes

CLÁUSULAS

Primeira.- Obxecto

O obxecto do presente convenio é establecer as pautas que se seguirán na colaboración entre as partes para o financiamento conxunto do contrato do servizo da rede de telecomunicacións, do servizo de internet, do mantemento do equipamento de comunicacións así como o servizo de xestión, administración e monitorización da mesma. Preténdese con isto manter os actuais servizos de telecomunicacións co nivel de dispoñibilidade e criticidade axeitado, así como para a evolución da demanda de novos servizos e integración en dita rede de novos centros e a ampliación das redes existentes.

Segunda.- Organismos e entidades participantes.

Os organismos e entidades participantes son os seguintes:

- 1.- Consellería de Sanidade: Servizos centrais e Xefaturas Territoriais
- 2.- Servizo Galego de Saúde
- 3.- Axencia Galega de Sangue, Órganos e Tecidos (ADOS)
- 4.- Axencia Galega para a Xestión do Coñecemento en Saúde (ACIS)
- 5.- Fundación Pública Urgencias Sanitarias de Galicia – 061
- 6.- Fundación Pública Instituto Galego de Oftalmoloxía (INGO)
- 7.- Galaria Empresa Publica de Servizos Sanitarios S.A.

Terceira.- Financiamento.

1.- O importe da achega da Consellería de Sanidade para a execución do obxecto mencionado na cláusula primeira para o período 2024-2027, ascenderá a un máximo de oitocentos un mil trescentos vinte e nove mil euros con setenta e seis céntimos (801.329,76 €), IVE incluído, coa seguinte distribución por anualidades:

CENTRO DE GASTO (Consellería de Sanidad)	CIF	IMPORTE 2024	IMPORTE 2025	IMPORTE 2026	IMPORTE 2027	TOTAL IVA INCLUIDO
S1511001H - CONSELLERÍA DE SANIDADE. SERVICIOS CENTRALES	S1511001H	25.061,52 €	150.369,12 €	150.369,12 €	125.307,60 €	451.107,36 €
S1511001H - XEFATURA TERRITORIAL DE SANIDADE A CORUÑA	S1511001H	6.354,92 €	38.129,52 €	38.129,52 €	31.774,60 €	114.388,56 €
S1511001H - XEFATURA TERRITORIAL DE SANIDADE LUGO	S1511001H	4.186,60 €	25.119,60 €	25.119,60 €	20.933,00 €	75.358,80 €
S1511001H - XEFATURA TERRITORIAL DE SANIDADE OURENSE	S1511001H	3.915,56 €	23.493,36 €	23.493,36 €	19.577,80 €	70.480,08 €
S1511001H - XEFATURA TERRITORIAL DE SANIDADE PONTEVEDRA	S1511001H	4.999,72 €	29.998,32 €	29.998,32 €	24.998,60 €	89.994,96 €

2.- O importe da achega do Servizo Galego de Saúde para a execución do obxecto mencionado

na cláusula primeira para o período 2024-2027, ascenderá a un máximo de vinte e dous millóns setecentos oitenta e seis mil cento corenta e oito euros con oitenta e oito céntimos (22.786.148,88 €), IVE incluído, coa seguinte distribución por anualidades:

CENTRO DE GASTO (SERGAS)	CIF	IMPORTE 2024	IMPORTE 2025	IMPORTE 2026	IMPORTE 2027	TOTAL IVA INCLUIDO
Q6550006H - SERVICIO GALEGO DE SAÚDE. SERVICIOS CENTRALES - RED DATOS	Q6550006H	523.107,20 €	3.138.643,20 €	3.138.643,20 €	2.615.536,00 €	9.415.929,60 €
Q6550006H - SERVICIO GALEGO DE SAÚDE. SERVICIOS CENTRALES - TELEFONIA	Q6550006H	78.006,28 €	468.037,68 €	468.037,68 €	390.031,40 €	1.404.113,04 €
Q1569009B - E.O.X.I. A CORUÑA	Q1569009B	115.559,84 €	693.359,04 €	693.359,04 €	577.799,20 €	2.080.077,12 €
Q1500308J - E.O.X.I. FERROL	Q1500308J	48.913,04 €	293.478,24 €	293.478,24 €	244.565,20 €	880.434,72 €
Q1500259E - E.O.X.I. SANTIAGO	Q1500259E	120.980,64 €	725.883,84 €	725.883,84 €	604.903,20 €	2.177.651,52 €
Q2769003A - E.O.X.I. LUGO, CERVIO E MONFORTE	Q2769003A	87.642,72 €	525.856,32 €	525.856,32 €	438.213,60 €	1.577.568,96 €
Q3200085C - E.O.X.I. OURENSE, VERIN E O BARCO DE VALDEORRAS	Q3200085C	100.923,68 €	605.542,08 €	605.542,08 €	504.618,40 €	1.816.626,24 €
Q3600373I - E.O.X.I. VIGO	Q3600373I	121.251,68 €	727.510,08 €	727.510,08 €	606.258,40 €	2.182.530,24 €
S3600011E - E.O.X.I. PONTEVEDRA E O SALNES	S3600011E	69.512,08 €	417.072,48 €	417.072,48 €	347.560,40 €	1.251.217,44 €

3.- O importe da achega da Axencia Galega de Sangue, Órganos e Tecidos (ADOS) para a execución do obxecto mencionado na cláusula primeira para o período 2024-2027, ascenderá a un máximo de cento oitenta e dous mil seiscentos noventa euros con sesenta e catro céntimos (182.690,64 €), IVE incluído, coa seguinte distribución por anualidades:

Q1500413H - Axencia Galega de Sangue, Órganos e Tecidos	Q1500413H	10.149,48 €	60.896,88 €	60.896,88 €	50.747,40 €	182.690,64 €
---	-----------	-------------	-------------	-------------	-------------	--------------

4.- O importe da achega da Axencia Galega para a Xestión do Coñecemento en Saúde (ACIS) para a execución do obxecto mencionado na cláusula primeira para o período 2024-2027, ascenderá a un máximo de cincuenta mil novecentos sesenta e cinco euros con vinte céntimos (50.965,20 €), IVE incluído, coa seguinte distribución por anualidades:

Q1500412J - Axencia Galega para a Xestión do Coñecemento en Saúde	Q1500412J	2.831,40 €	16.988,40 €	16.988,40 €	14.157,00 €	50.965,20 €
---	-----------	------------	-------------	-------------	-------------	-------------

5.- O importe da achega da Fundación Pública Urgencias Sanitarias de Galicia 061 para a execución do obxecto mencionado na cláusula primeira para o período 2024-2027, ascenderá a un máximo de setecentos vinte e catro mil douscentos vinte e oito euros con cincuenta e seis céntimos (724.228,56 €), IVE incluído, coa seguinte distribución por anualidades:

G15702350 - URXENCIAS SANITARIAS DE GALICIA-061	G15702350	40.234,92 €	241.409,52 €	241.409,52 €	201.174,60 €	724.228,56 €
---	-----------	-------------	--------------	--------------	--------------	--------------

6.- O importe da achega da Fundación Pública Instituto Galego de Oftalmoloxía (INGO) para a execución do obxecto mencionado na cláusula primeira para o período 2024-2027, ascenderá a un máximo de catro mil oitocentos setenta e oito euros con setenta e dous céntimos (4.878,72 €), IVE incluído, coa seguinte distribución por anualidades:

G15503626 - INSTITUTO GALEGO DE OFTALMOLOXÍA	G15503626	271,04 €	1.626,24 €	1.626,24 €	1.355,20 €	4.878,72 €
--	-----------	----------	------------	------------	------------	------------

7.- O importe da achega da "Galaria Empresa Pública de Servizos Sanitarios S.A" para a execución do obxecto mencionado na cláusula primeira para o período 2024-2027, ascenderá a un máximo de oitenta e cinco mil cento dezaseis euros con vinte e catro céntimos (85.116,24 €), IVE incluído, coa seguinte distribución por anualidades:

A15476740 - GALARIA	A15476740	4.728,68 €	28.372,08 €	28.372,08 €	23.643,40 €	85.116,24 €
---------------------	-----------	------------	-------------	-------------	-------------	-------------



Cuarta.- Compromisos a desenvolver.

A Unidade administrativa xestora do procedemento de contratación será o Servizo de Contratación (Subdirección Xeral de Compras e Servizos) sendo o órgano de contratación a Dirección Xeral de Recursos Económicos do Servizo Galego de Saúde, a través do que se canalizará tamén o financiamento correspondente aos centros de gasto da Consellería de Sanidade e do propio Servizo Galego de Saúde.

As demais partes asinantes comprométese a aportar o financiamento previsto nas condicións e prazos indicados na cláusula terceira do presente convenio.

Quinta.- Expediente de contratación.

O procedemento de contratación que se tramite como consecuencia do presente convenio tipificarase como contrato de servizos suxeito a regulación harmonizada, conforme ao previsto nos artigos 17, 19 e 22 da Lei 9/2017, do 8 de novembro, de contratos do sector público. Para a adxudicación da contratación aplicarase o procedemento aberto previsto nos artigos 131 e 156 a 158 da citada Lei 9/2017 e o expediente tramitarase de forma ordinaria.

A contratación dividirase nos seguintes lotes:

Lote1: Servizo da Rede de Telecomunicacións. Nomenclatura: CPA: 61, CPV: 64200000-8, 64210000-1 e 64212000-5

Lote 2: Servizo de acceso seguro a Internet. Nomenclatura: CPA: 61, CPV: 72400000-4

Lote 3: Servizo de mantemento de equipamento de telecomunicacións. Nomenclatura: CPA: 62, CPV: 50312300-8

Lote 4: Servizo de monitorización, xestión e transformación intelixente e ciber-resiliente da Rede de Telecomunicacións. Nomenclatura: CPA: 62, CPV: 72315000-6

Lote 5: Servizo de Centro de Operacións (SOC). Nomenclatura: CPA: 62, CPV: 72590000-7 e 72810000-1

O orzamento base de licitación, incluído o Imposto sobre o Valor Engadido, será o seguinte:

Lote	Presuposto base de licitación sen IVE	IVE	Presuposto base de licitación con IVE
Lote 1	20.359.800,00 €	4.275.558,00 €	24.635.358,00 €
Lote 2	3.139.200,00 €	659.232,00 €	3.798.432,00 €
Lote 3	1.576.800,00 €	331.128,00 €	1.907.928,00 €
Lote 4	2.901.600,00 €	609.336,00 €	3.510.936,00 €
Lote 4 Feder	1.396.800,00 €	293.328,00 €	1.690.128,00 €
Lote 5 Feder	2.160.000,00 €	453.600,00 €	2.613.600,00 €
Total sen IVE	31.534.200,00 €	6.622.182,00 €	38.156.382,00 €

O valor máximo estimado do contrato derivado do expediente de contratación, para os efectos do establecido no artigo 101 da Lei 9/2017 , do 8 de novembro, será de:



Presuposto base de licitación sen IVE	Posible modificación (máximo 20%)	Posibles prórrogas (máximo 2 anos)	Valor estimado (sen IVE)
20.359.800,00 €	4.071.960,00 €	13.573.200,00 €	38.004.960,00 €
3.139.200,00 €	627.840,00 €	2.092.800,00 €	5.859.840,00 €
1.576.800,00 €	315.360,00 €	1.051.200,00 €	2.943.360,00 €
2.901.600,00 €	580.320,00 €	1.934.400,00 €	5.416.320,00 €
1.396.800,00 €	279.360,00 €	931.200,00 €	2.607.360,00 €
2.160.000,00 €	432.000,00 €	1.440.000,00 €	4.032.000,00 €
31.534.200,00 €	63.068.400,00 €	21.022.800,00 €	58.863.840,00 €

No expediente de contratación acreditarase a plena dispoñibilidade de todas as achegas mediante a incorporación deste convenio, así como os certificados de existencia de crédito e a documentación correspondente que acredite a súa retención, ou documentos que legalmente os substitúan, sen que sexa preciso a formalización de garantías entre as entidades do sector público participantes.

A Dirección Xeral de Recursos Económicos do Servizo Galego de Saúde actuará no expediente de contratación e na execución do contrato en nome e por conta das partes participantes neste convenio e poderá exercer todas as potestades que a lexislación lle recoñece ao órgano de contratación fronte ao contratista, sen prexuízo da axeitada coordinación nas relacións internas coas demais entidades participantes.

Sexta.- Modalidade de actuación no financiamento conxunto.

A modalidade de actuación no financiamento conxunto que se aplica neste convenio é a denominada concorrencia subxectiva na posición do contratante, prevista no artigo 16 a) da Lei 14/2013, do 26 de decembro, de racionalización do sector público autonómico.

As partes asinantes quedarán obrigadas respecto do contratista, concorrendo á cotitularidade do contrato, e serán responsables directas cada unha delas da obriga de pagamento das cantidades comprometidas na cláusula terceira.

Cada participante deste convenio será responsable de aboarlle, ao contratista do contrato que se subscriba as contraprestacións correspondentes nos termos que se establezan no contrato e segundo o prezo acordado.

Polo tanto, cada parte deste convenio deberá aboarlle ao contratista soamente a súa parte e non será responsable do aboamento da outra parte. Esta cuestión deberá constar expresamente nos correspondentes pregos da licitación.

Sétima.- Participación conxunta

Na elaboración dos pregos de cláusulas administrativas particulares e de prescricións técnicas ou proxectos participarán conxuntamente as partes asinantes, de xeito que o contrato resultante poida satisfacer axeitadamente as necesidades que se pretenden cubrir.

Oitava.- Vixencia

Este convenio producirá os seus efectos a partires da data da súa sinatura e a súa vixencia estenderase ata o momento que se extinga o contrato, segundo o prazo de execución e prórroga establecido na cláusula 2.5 do Prego de Cláusulas Administrativas Particulares (PCAP)



Novena.- Modificación

O presente convenio poderá ser obxecto de modificación a través das correspondentes adendas ao mesmo.

De acordo co disposto no artigo 31.4 da Lei 14/2013, do 26 de decembro, de racionalización do sector público autonómico, o convenio poderá ser obxecto de modificación cando teñan como finalidade o logro dos obxectivos de estabilidade orzamentaria e sostibilidade financeira. Ditas modificacións terán por obxecto a redución do volume das obrigas ou a ampliación do seu prazo de execución.

Décima.- Comisión de seguimento

Para velar polo cumprimento do estipulado, constituirase unha comisión paritaria de seguimento da execución do convenio, formada por dous representantes designados por cada unha das partes asinantes, que actuará como órgano de vixilancia, seguimento e control do establecido neste convenio, promovendo, se o considera adecuado, outras actuacións que poidan enriquecer o seu desenvolvemento.

Esta comisión estará presidida pola persoa titular da Dirección Xeral de Recursos Económicos do Servizo Galego de Saúde ou persoa na que delegue.

Serán funcións da comisión de seguimento as seguintes:

- a) Impulsar e avaliar o cumprimento do presente convenio, propoñendo as actuacións que se consideren necesarias para tal fin.
- b) Interpretar en caso de dúbida o contido do mesmo.
- c) Propoñer ás partes a resolución das posibles controversias que puideran xurdir na súa aplicación.

Undécima.- Publicidade e transparencia.

Este convenio será obxecto de inscrición no Rexistro de Convenios da Xunta de Galicia, nos termos previstos no Decreto 126/2006, de 20 de xuño, polo que se regula o Rexistro de Convenios da Xunta de Galicia.

Segundo o artigo 17 da Lei 1/2016, do 18 de xaneiro, de transparencia e bo goberno de Galicia, ademais da información que se debe facer pública segundo a normativa básica en materia de transparencia, a Administración autonómica publicará o texto íntegro do convenio, en cumprimento do disposto no artigo 15 da referida lei. As partes asinantes autorizan ou consenten a publicidade dos seus datos persoais e demais especificacións recollidas no presente instrumento de colaboración no Portal de Transparencia e Goberno Aberto.

Así mesmo tal e como establece a Lei 19/2013, de 9 de decembro, de transparencia, acceso á información pública e bo goberno, e co previsto no Decreto 132/2006, de 27 de xullo, polo que se regulan os rexistros públicos creados nos Arts 44 e 45 da Lei 7/2005, de 29 de decembro, de orzamentos xerais da Comunidade Autónoma de Galicia para o ano 2006, a sinatura do presente convenio suporá o consentimento expreso á Administración Autonómica para incluír e facer públicos os datos e calquera outras especificacións referidos ao presente convenio nos Rexistros de Convenios da Xunta de Galicia, polo que o Servizo Galego de Saúde dará publicidade deste convenio de conformidade co que establecen as disposicións aplicables na materia.

Décimo segunda.- Protección de Datos de Carácter Persoal

As partes asinantes obríganse ao cumprimento do Regulamento (UE) 2016/679 do Parlamento



Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se deroga a Directiva 95/46/CE (Regulamento xeral de protección de datos), da Lei orgánica 3/2018, do 5 de decembro, de protección de datos persoais e garantía dos dereitos dixitais, e demais normativa vixente de aplicación en cada momento en materia de protección de datos.

Décimo terceira.- Réxime xurídico e resolución de conflitos

Este convenio de colaboración ten natureza administrativa, e rexeráse pola Lei 40/2015, do 1 de outubro, do réxime xurídico do sector público, e pola Lei 14/2013, do 26 de decembro, de racionalización do sector público autonómico, pola lexislación en materia de contratos do sector público e polas demais normas de aplicación.

As discrepancias que poidan producir resolveranse nos termos previstos no artigo 18 da Lei 14/2013, do 26 de decembro, de racionalización do sector público autonómico e no artigo 13 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, para os conflitos de atribucións.

E en proba de conformidade co exposto, asinan este convenio no lugar e data sinalados.

Pola Consellería de Sanidade e o Servizo Galego de Saúde	Pola Axencia Galega de Sangue, Órganos e Tecidos
Antonio Gómez Caamaño	María Luisa López García

Pola Axencia Galega para a Xestión do Coñecemento en Saúde	Pola Fundación Pública Urgencias Sanitarias de Galicia 061
Antonio Fernández-Campa García-Bernardo	Román Gómez Vázquez

Pola Fundación Pública Instituto Galego de Oftalmoloxía (INGO)	Por "Galaria Empresa Pública de Servizos Sanitarios S.A"
Elío Díez-Feijoo Arias	Rocío Mosquera Álvarez

